

## V E N E T I A.

minatim D. Petri martyris cum cœnobio sodalium Prædicatorum luculenter ædificato , ubi etiam Bibliotheca præclara voluminibus optimis plena. Vitreamina tam excellenti hic arte faciunt, ut tum varietate , tum artificio cætera totius orbis vasa vitrea longissime superent. Nec desinunt artifices ad materiae premium indies ornamenta nova rationesque varie figurandi præstantiores ac elegantiores excogitare. Colores etiam quoscumque jam mirabili industria reddunt , ut omnino existimem Plinium, si nunc revivisceret, summa cum admiratione vasa hæc supra fictilia tum Aretinorum , tum aliarum gentium longe colloca-turum. Vidi ego præter cætera hic miranda: navem rostratam exacta dimensione factam ex vitro, longitudine unius ulnæ, cum instrumento universo tam convenienter , ut miraculo prorsus esset ea ex materia partes omnes ejuscemodi operis adeo plene formari potuisse. Conspeximus etiam organa parva vitreis tubis, quarum maxima longitudine ferme trium cubitorum tanto artificio justam ad proportionem erat ducta, ut inflato spiritu, ac pulsatis à musi-ces perito modulis , suavissimum concentum ederent. Magnitudinem vasorum, quæ hic cer-nuntur , non commemoro , quippe quia fidem eorum qui non videre , superatura res foret. Evidem mirari ego satis haudquaquam potui, tanta vitreæ materiæ copia qui colligi & in tam varias infinitasque species ingentium vasorum figurari queat. Et insignis hæc Murianorum ars jam universæ nota est Europæ , propterea quod eorum opera nobilissima cunctas in ejus partes exportantur. Officinas exercent 24, in quibus operis artificum perpetuis vasa fiunt. Locus populo valde frequens est ; maximaque pars aut artifices vitrarii vel negotiatores, aut piscatu vivit. Scinditur in partes duas instar Venetiarum amplio euripo. Circuitu millia tria colligit. Cœlo est bono ac salubri, quod ab igne perpetuo vitrarias urente fornaces proficiunt arbitramur. Nobilitavit Murianum Franciscus Balarinus , qui arte ac industria super omnes adhuc formandis vasis artifices excelluit. Se-quitur ad septentrionem versus ædes D. Iacobi Palustris , ultraque D. Nicolai. Dein Majorbi-um quatuor & viginti à Muriano stadiis, iisdem Hunnicis temporibus habitari cœptum ab Altinatibus , & unius portæ nomine , quæ Altini fuerat, ut refert Sabellicus, dictum. Insula hæc infrequenter nunc colitur : gens modica , vel piscatu , vel hortorum cultura vivit. Torcellum inde succedit civitas, item ad septentrionem, à Majorbio mille pass. cuius Episcopus Torcel-lanus dicitur , cathedralis ædes D. Fusca virginis & martyris , quæ hic monumento sita cum D. Malica nutrice , Ravenna delata , simul ubi martyrium subiere. Torcelli quoque nomen

Torcellum.

pro Turricello nunc ab Altini quondam sextante supereft; cuius, ut prædictum, coloni Attilæ temporibus in hæc æstuaria commigrarunt. Vrbs & hæc, ut Majorbum, infrequens coloniæ, vel piscatu vel hortorum cultura viventi-bus. Abbatia non ignobilis adjacet monacho-rum D. Bernardi. Cœlum hic admodum gra-ve. Nec procul Buranum haud in honestus in insula vicus, ad exortum Majorbio Torcello-que obversus , pari intervallo mille passuum ab utroque; nomen etiam ab Altinatibus habens. Hinc tum ex plaga septentrionis in orientalem Venetiarum tendenti, domus D. Francisci, quæ à Deserto cognominatur, apparet , propriusque Venetiis Lazaretum novum, item versus orien-tem Carthusianus conventus , juxta mox D. Helenæ , viciniorque dein ad urbem, D. Geor-gii Majoris; tum D. Servuli, D. Lazari, & infra Lazaretum vetus , quod ad meridiem spectat, cum æde Virginis, quæ Gratiarum dicitur , ul-traque D. Clementis, & porro in Austrum, San-cti Spiritus: tum Pupilia est , sic olim dicta, quinque millibus à Venetiis. Insulam hanc quondam admodum frequentem populo fuisse Blondus & Sabellicus perhibent ; Dein ab ur-be Veneta millibus alter est Portus Clodianus , Portus Clodianus. juxtaque oppidum fossa Clodia , quemadmo-dum à Ptolemæo nominatur , quod Clodium Albanorum Ducem condidisse Volaterranus refert ex auctore Sexto. Sabellicus tamen pro-didisse quosdam scribit ab Atestinis & Silicen-sibus ædificatum , qui Hunnicis temporibus in stagna ex continentis ora profugerant : verum hoc tamen ut constare sibi queat non video , cum Plinius & Ptolemæus , qui plurimis ætati-bus Hunnicas in Italianam irruptiones præcesse-re, Fossæ Clodiæ memoriam usurpent. Dici fortasse posset Attilæ temporibus ab Atestinis Silicensibus domo profugis auctum ; ut ita , quod Sabellicus refert, non omnino veritati aduersetur. Civitas effecta est sub Ordelafo Falerio Duce 1105 post Christi nativitatem anno , translatu huc Mathemauenope episcopatu , cum eam urbem inundatio vastasset. Pri-mum locus momenti pene nullius erat , uti in Venetis annalibus priscis, maximeque Bertucci Veneti se legisse Ioannes Petrus Ferretus Ra-vennas homo doctissimus affirmit. Vndique stagnis marinis circumfunditur , in longum protenta, spatiofaque & longa platea divisa , in quam utrinque vici plurimi instar spinæ pīcis exeunt. Circum urbem salinæ passim , ubi mensibus æstivis è marinis aquis sal confi-citur , ingenti Veneta Reipublicæ compendio. Genuenium hic cum Venetis praelium Blon-dus Sabellicusque nec uno loco memorant. Clodiani nunc fere piscatu , vel hortorum cul-tura , vel salinis exercendis vivunt.